

孔德成先生傳（1920-2008）

葉國良撰述

孔德成先生，字玉汝，號達生，後以達生為字。山東曲阜人，孔子七十七代嫡孫。民國九年（1920）二月二十三日（農曆正月四日）生於曲阜孔府。父燕庭公（諱令貽），三十一代衍聖公。生母王太夫人。先是燕庭公有二女德齊、德懋，而於民國八年歲暮棄世，遺腹子莫知男女，舉國關心。及王太夫人將分娩，北洋政府特派山東省省長屈映光親至孔府監臨。先生降誕，曲阜全城施放鞭炮慶祝，政府亦鳴禮砲十三響，以賀聖裔之有後。王太夫人旋因產褥熱去世，乃由嫡母陶太夫人撫養。滿百日，北洋政府徐世昌大總統頒令襲封三十二代衍聖公。

先生幼時曾從吳伯簫等人學英文，隨詹澄秋習琴。逮就外傅之年，陶太夫人辭世，起居均由啟蒙師王子英照拂，復從呂鴻陞研讀經傳詩文，從王樸學歷史、地理，後又拜前清侍讀學士莊陔蘭為師，習理學及書法。民國二十四年春，先生辭衍聖公之號，國民政府特任為大成至聖先師奉祀官，七月八日正式於南京國民政府就職，蔣中正委員長親臨祝賀。同年夏，與前清狀元名宦孫家鼐曾孫女孫琪方結婚。

抗戰軍興，政府特派官員護送先生夫婦至漢口，後遷重慶歌樂山。初，先生就任奉祀官，政府為聘黨國大老丁惟汾任先生導師，至是鄉居，丁年雖高，猶授以《毛詩》及古聲韻之學，至能成誦而止。先生又與山東省圖書館館長王獻唐善，遂通青銅彝器與古文字之學。蓋抗戰八年期間，先生潛心學問，而重慶為南北學者薈萃之地，先生交游日夥，見聞日廣，切磋有得，益堅其學問之心，而不以道統自居，終其一生，不易初志。

抗戰勝利，先生隨國民政府還都南京，旋返闕里。三十五年任制憲國民大會代表。三十七年，任國民大會代表（八十年辭職）、總統府資政（迄八十九年止）。政府又以公費遣送先生至美國留學，與傅斯年同住，親蒙教誨。旋膺耶魯大學聘為榮譽研究員，日與學者往來論學，學術見解益深。三十八年三月返國，受教育

部長杭立武之聘，至廣州、香港、澳門等地作反共演講，號召國人重振倫理道德。

民國三十九年，舉家避地臺員，居臺中奉祀官府。四十五年七月，任故宮博物院、中央博物院聯合管理處主任委員，迄五十二年四月辭職止；嗣於五十四年至九十三年任故宮博物院管理委員會常務理事。四十六年，應日本道德科學研究所之邀赴日演講，留日月餘，所至之處，備受崇敬，有匍匐叩拜者，天皇、首相亦致殊禮。四十七年，應越南孔學會之邀赴西貢演講，與越南政府商討重振孔子學說以加強反共精神諸問題。四十八年，應韓國成均館大學之邀赴漢城演講，韓國大統領李承晚待以上賓之禮。其後又屢次出國，與當地學者、名流交游，而外籍人士至臺求見禮敬者，亦始終絡繹不絕。

自民國四十四年起，先生受聘為國立臺灣大學中國文學系及考古人類學系兼任教授，迄辭世而止，都五十三年。其間並曾在國立臺灣師範大學、中興大學、私立輔仁大學、東吳大學兼任教職，均講授三禮、金文、殷周青銅彝器等學，裁成學子甚眾。先生講學，謹嚴不紊，析理入微，於所難知，強調闕疑，蓋受五四以來重視科學精神之影響。民國五十四年，受東亞學術計畫委員會贊助，與臺大中文系主任臺靜農領導中文系、人類學系研究生曾永義等十餘名，以出土資料驗證《儀禮》經文，後撰成《儀禮復原叢刊》，凡十餘種，由臺灣中華書局出版。五十六年，自費領導拍攝「儀禮士昏禮」黑白影片，不僅突破鄭玄以來禮圖不連貫之缺陷，亦為世界首部古禮電影。民國八十九年，弟子葉國良教授改製為彩色3D動畫，繼續傳世。

民國七十三年四月，經政府安排，率次子維寧及臺灣大學郭博文、黃啟方兩教授，訪問荷蘭、比利時、英國、西德、法國、奧地利、西班牙、義大利八國，所至媒體殷勤採訪報導，發表演說十三場，均座無虛席，盛況空前。復至教廷與教宗若望保祿二世晤談甚歡，東西巨人之會，允稱世紀盛事。八月，蔣經國總統提名先生為考試院院長，九月上任。凡在任九年，於國家考選、銓敘法規，多所獻替，先後制定公務人員考試法、專門職業及技術人員考試法、公務人員升等考試法、典試法、公務人員任用法、公務人員俸給法等。民國九十一年，復任總統府資政。

先生長身玉立，風度翩翩，笑語爽朗，聲如洪鐘，人聞其聲，而知其至。平生儉樸自律，院長任內不居官舍，一衣御至數十年，其它可知矣。而薪俸之入，不吝與友朋學生共。平居望之儼然，而即之也溫，交無尊卑，均以親和幽默待之。

與門人燕飲時，喜劇談清代及民初政壇掌故，唯口不言當代政情。於京崑戲曲，如視家珍，兼能吟唱，而人鮮知。蓋知之淺者，唯知其善各體書、食不厭精、唯酒無量而已。而知之深者，則於其學問人品，敬畏有加，學者教授、弟子門生，執禮之恭，近數十年僅見，亦足證其師道之尊嚴矣。故韓國嶺南大學、成均館大學、日本麗澤大學、臺灣大學均贈以名譽博士學位，非虛榮也。

九十七年初，先生年已八十九，猶每週至臺大授課數次。四月以還，體力不繼，責由弟子代課。不期臥床不起，家人延醫，查無疾病，蓋體能逐漸衰竭所致。十月二十日，以肺炎併發敗血症，就近送新店慈濟醫院急救，延至二十八日上午不治。海內外人士，莫不痛惜。先生育有二男二女。長子維益，民國七十七年去世，故身後由長孫垂長繼任奉祀官。

先生治學之勤，聞見之廣，罕見其匹。每日必讀書數小時，以蠅頭行草撰作札記，晚年猶然，而不自珍惜。嘗言：「初以為有所創獲，繼見古人業已言之，然後知讀書之不多，學問之不易也。」每戒弟子毋輕著述，而已身亦惜墨如金。嘗撰〈說兕觥〉一文，才數百言，以其說富饒理據，而文約意隱，知者不多，故摯友屈萬里教授特演繹為〈兕觥問題重探〉一文，以推廣之，亦足見其著述之風格矣。

孔德成先生學術簡表

- 一九二〇年 一歲
二月二十三日生於山東曲阜孔府。
六月襲封三十二代衍聖公。
- 一九三五年 十六歲
七月八日任大成至聖先師奉祀官。
與孫家鼐曾孫女孫琪方結婚。
- 一九三七年 十八歲
抗戰軍興，移居重慶歌樂山，從丁淮汾、王獻唐游。
- 一九四六年 廿七歲
任制憲國民大會代表。
- 一九四八年 廿九歲

任國民大會代表（一九九一年辭職）。

任總統府資政（一九九〇年止，二〇〇二年復任）。

赴美國留學，與傅斯年同住。

任耶魯大學榮譽研究員。

一九四九年 三十歲

三月返國。

一九五〇年 卅一歲

抵臺灣，居臺中奉祀官府。

一九五五年 卅六歲

任臺灣大學中國文學系、考古人類學系兼任教授（至二〇〇八年辭世止）。

一九五六年 卅七歲

七月任故宮博物院、中央博物院聯合管理處主任委員（至一九六三年辭職止）。

一九五七年 卅八歲

主編出版《孔子聖蹟圖》。

一九六四年 四五歲

發表〈說兕觥〉。

一九六五年 四六歲

任故宮博物院管理委員會常務理事（至二〇〇四年止）。

執行《儀禮》復原研究計畫，指導弟子撰寫《儀禮復原叢刊》。

一九六六年 四七歲

發表〈釋〉。

一九六七年 四八歲

自費拍攝「儀禮士昏禮」影片。

發表〈儀禮十七篇之淵源及傳授〉。

一九六八年 四九歲

出版《金文選讀》。

一九七〇年 五一歲

發表〈儀禮復原實驗小組研究成果綜合報告〉（與臺靜農教授合

著)、〈梁其鐘釋文〉。

一九七二年 五三歲

發表〈唐玄宗及宋真宗禪地祇玉冊跋〉。

一九八〇年 六一歲

發表〈禮記成書時代及其在經典中之性質〉。

一九八一年 六二歲

發表〈宗法略論〉。

一九八四年 六五歲

訪問荷蘭、比利時、英國、西德、法國、奧地利、西班牙、義大利八國，發表儒學演說十三次，並至梵諦崗與教宗若望保祿二世晤談。

八月任考試院院長（一九九三年卸任）。

二〇〇五年 八六歲

十一月獲頒國立臺灣大學名譽博士學位。

二〇〇八年 八九歲

十月二十八日逝世，享壽八十九歲。